

妙法莲华经台宗会义·观世音菩萨普门品 科判

姚秦三藏法师鸠摩罗什 奉诏译 古吴后学藕益智旭 科述

释道净 整理 20240728 2 稿 微信 qq 973451196 校对 禁止商用篡改 法律责任必究

表 1: (4 表)

科判				经文	
释 普 门 品 分 二	甲 一 问 答 分 二	乙 一 长 文 分 二	丙 一 番 分 二	丁一问	
				戊一总答	
				己一约口业机明应分二	尔时，无尽意菩萨，即从座起，偏袒右肩，合掌向佛，而作是言： 世尊，观世音菩萨，以何因缘名观世音？ 佛告无尽意菩萨：善男子，若有无量百千万亿众生，受诸苦恼。 闻是观世音菩萨，一心称名。 观世音菩萨即时观其音声，皆得解脱。
					若有持是观世音菩萨名者，设入大火，火不能烧，由是菩萨威神力故。
					若为大水所漂，称其名号，即得浅处。
					若有百千万亿众生，为求金银琉璃，砗磲玛瑙，珊瑚琥珀，真珠等宝，入于大海。 假使黑风吹其船舫，飘堕罗刹鬼国。 其中若有乃至一人，称观世音菩萨名者。 是诸人等，皆得解脱罗刹之难。 以是因缘，名观世音。
					若复有人，临当被害，称观世音菩萨名者，彼所执刀杖，寻段段坏，而得解脱。
					若三千大千国土，满中夜叉罗刹，欲来恼人。闻其称观世音菩萨名者，是诸恶鬼，尚不能以恶眼视之，况复加害。
					设复有人，若有罪，若无罪，枷锁检系其身。 称观世音菩萨名者，皆悉断坏，即得解脱。
					若三千大千国土，满中冤贼。 有一商主，将诸商人，赍持重宝，经过险路。其中一人作是唱言：诸善男子，勿得恐怖。汝等应当一心称观世音菩萨名号，是菩萨能以无畏施于众生。 汝等若称名者，于此怨贼当得解脱。 众商人闻，俱发声言：南无观世音菩萨！ 称其名故，即得解脱。
					无尽意，观世音菩萨摩訶萨威神之力，巍巍如是。
				己二约意业机明应分二	若有众生，多于淫欲，常念恭敬观世音菩萨，便得离欲； 若多瞋恚，常念恭敬观世音菩萨，便得离瞋； 若多愚痴，常念恭敬观世音菩萨，便得离痴。
					无尽意，观世音菩萨有如是等大威神力，多所饶益，是故众生常应心念。
				己三约身业机明应分二	若有女人，设欲求男，礼拜供养观世音菩萨，便生福德智慧之男； 设欲求女，便生端正有相之女，宿植德本，众人爱敬，
					无尽意，观世音菩萨有如是力，若有众生恭敬礼拜观世音菩萨，福不唐捐。

表 2: (4 表)

释 普 门 品 分 二	甲 一 问 答 分 二	乙 一 长 文 分 二	丙 二 次 番 分 二	丁 二 答 分 三	戊 三 劝 持 名 答 分 三	己一劝持	是故众生，皆应受持观世音菩萨名号。
						己二格量	无尽意，若有人受持六十二亿恒河沙菩萨名字，复尽形供养饮食、衣服、卧具、医药，于汝意云何？ 是善男子，善女人，功德多不？ 无尽意言：甚多，世尊。 佛言： 若复有人，受持观世音菩萨名号，乃至一时礼拜供养，是二人福，正等无异，于百千万亿劫，不可穷尽。
							己三结叹
				丁一问		无尽意菩萨白佛言： 世尊，观世音菩萨，云何游此娑婆世界？ 云何而为众生说法？ 方便之力，其事云何？	
				丁二答分三	戊一别答	佛告无尽意菩萨： 善男子，若有国土众生，应以佛身得度者，观世音菩萨即现佛身而为说法； 应以辟支佛身得度者，即现辟支佛身而为说法； 应以声闻身得度者，即现声闻身而为说法； 应以梵王身得度者，即现梵王身而为说法； 应以帝释身得度者，即现帝释身而为说法； 应以自在天身得度者，即现自在天身而为说法； 应以大自在天身得度者，即现大自在天身而为说法； 应以天大将军身得度者，即现天大将军身而为说法； 应以毘沙门身得度者，即现毘沙门身而为说法； 应以小王身得度者，即现小王身而为说法； 应以长者身得度者，即现长者身而为说法； 应以居士身得度者，即现居士身而为说法； 应以宰官身得度者，即现宰官身而为说法； 应以婆罗门身得度者，即现婆罗门身而为说法； 应以比丘，比丘尼，优婆塞，优婆夷身得度者，即现比丘，比丘尼，优婆塞，优婆夷身而为说法； 应以长者、居士、宰官、婆罗门妇女身得度者，即现妇女身而为说法； 应以童男、童女身得度者，即现童男、童女身而为说法； 应以天龙、夜叉、乾闥婆、阿修罗、迦楼罗、紧那罗、摩睺罗伽、人、非人等身得度者，即皆现之而为说法； 应以执金刚神得度者，即现执金刚神而为说法。	
						戊二总答	无尽意，是观世音菩萨，成就如是功德。 以种种形，游诸国土，度脱众生。

表 3: (4 表)

释 普 门 品 分 二	甲 一 问 答 分 二	乙 一 长 文 分 二	丙 二 次 番 分 二	丁 二 答 分 三	戊 三 劝 供 养 分 二	己一劝		是故汝等，应当一心供养观世音菩萨。 是观世音菩萨摩诃萨，于怖畏急难之中，能施无畏。 是故此娑婆世界，皆号之为施无畏者，				
						己二受旨分六	庚一奉命	无尽意菩萨白佛言： 世尊，我今当供养观世音菩萨。 即解颈众宝珠璎珞，价直百千两金，而以与之。 作是言： 仁者，受此法施珍宝璎珞。				
							庚二不受	时观世音菩萨，不肯受之。				
							庚三重奉	无尽意复白观世音菩萨言： 仁者，愍我等故，受此璎珞。				
							庚四佛劝	尔时佛告观世音菩萨： 当愍此无尽意菩萨，及四众天龙、夜叉、乾闥婆、阿修罗、迦楼罗、紧那罗、摩睺罗伽、人、非人等故，受是璎珞。				
							庚五受已转奉	即时观世音菩萨，愍诸四众，及于天龙，人、非人等，受其璎珞。 分作二分： 一分奉释迦牟尼佛，一分奉多宝佛塔。				
							庚六叹结	无尽意，观世音菩萨，有如是自在神力，游于娑婆世界。				
						乙 二 偈 颂 分 三	丙一双颂两问				尔时，无尽意菩萨以偈问曰： 世尊妙相具，我今重问彼， 佛子何因缘，名为观世音？	
							丙二双颂两答分二	丁一加颂总叹行愿				具足妙相尊，偈答无尽意， 汝听观音行，善应诸方所。 弘誓深如海，历劫不思议， 侍多千亿佛，发大清净愿。
		丁二别颂两答分二	戊一颂前答分二	己一颂总答				我为汝略说，闻名及见身， 心念不空过，能灭诸有苦。				
				己二颂别答分二	庚一颂七难分十二			辛一颂第一火难		假使兴害意，推落大火坑， 念彼观音力，火坑变成池。		
								辛二颂第二水难		或漂流巨海，龙鱼诸鬼难， 念彼观音力，波浪不能没。		
								辛三加颂堕须弥难		或在须弥峰，为人所推堕， 念彼观音力，如日虚空住。		
								辛四加颂堕金刚山难		或被恶人逐，堕落金刚山， 念彼观音力，不能损一毛。		
								辛五超颂第七冤贼难		或值冤贼绕，各执刀加害， 念彼观音力，咸即起慈心。		
		辛六追颂第四刀杖难					或遭王难苦，临刑欲寿终， 念彼观音力，刀寻段段坏。					

表 4：（4 表）

释 普 门 品 分 二	甲 一 问 答 分 二	乙 二 偈 颂 分 三	丙 二 双 颂 两 答 分 二	丁 二 别 颂 两 答 分 二	戊 一 颂 前 答 分 二	己 二 颂 别 答 分 二	庚 一 颂 七 难 分 十二	辛七追颂第六枷锁难	或囚禁枷锁，手足被杻械， 念彼观音力，释然得解脱。		
								辛八加颂咒咀毒药难	咒咀诸毒药，所欲害身者， 念彼观音力，还着于本人。		
								辛九追颂第五鬼难	或遇恶罗刹，毒龙诸鬼等， 念彼观音力，时悉不敢害。		
								辛十加颂恶兽难	若恶兽围绕，利牙爪可怖， 念彼观音力，疾走无边方。		
								辛十一加颂蛇蝎难	蜿蜒及蝮蝎，气毒烟火然， 念彼观音力，寻声自回去。		
								辛十二加颂雷雨难	云雷鼓掣电，降雹澍大雨， 念彼观音力，应时得消散。		
								庚二颂三毒二求		众生被困厄，无量苦逼身， 观音妙智力，能救世间苦。	
								戊二颂后 答分二	己一正颂 示现分三	庚一身业普应	具足神通力，广修智方便， 十方诸国土，无刹不现身。 种种诸恶趣，地狱鬼畜生， 生老病死苦，以渐悉令灭。
										庚二明意业普观	真观清净观，广大智慧观， 悲观及慈观，常愿常瞻仰。 无垢清净光，慧日破诸暗， 能伏灾风火，普明照世间。
										庚三明口业普说	悲体戒雷震，慈意妙大云， 澍甘露法雨，灭除烦恼焰。
									己二加颂显机显应		诤讼经官处，怖畏军阵中， 念彼观音力，众怨悉退散。
									丁一颂前番 劝持名分二	戊一明境智深妙以劝常念	妙音观世音，梵音海潮音， 胜彼世间音，是故须常念。
										戊二明感应难测以劝勿疑	念念勿生疑，观世音净圣， 于苦恼死厄，能为作依怙。
			丁二颂后番劝供养		具一切功德，慈眼视众生， 福聚海无量，是故应顶礼。						
			甲二闻品功德分二					乙一持地叹证		尔时，持地菩萨即从座起，前白佛言： 世尊，若有众生，闻是观世音菩萨品自在之业，普 门示现神通力者，当知是人功德不少。	
								乙二经家述益		佛说是普门品时，众中八万四千众生，皆发无等等 阿耨多罗三藐三菩提心。	